



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCCCCX. ad annum MLXXIII.

**Parisiis, 1644**

I. De Deo, religione, & rege, debite colendis.

**urn:nbn:de:hbz:466:1-15625**

## LEGES ECCLESIASTICÆ CANVTI REGIS. 309

tissimæ Dei genitricis Mariæ, & omnium sanctorum intercessione, amplificet Deus portionem eius in terra viuentium. Scripta est huius priuilegii donatio, & promulgata in Ligneâ basilica sub præsentia regis Cnutonis, anno ab incarnatione dominica 1032.

CIRCA  
ANNVM  
CHRISTI  
1032.

## LEGES ECCLESIASTICÆ

CANVTI REGIS, QVÆ VEL SEORSVM EXTANT  
a sæcularibus, vel sparsim in eisdem reperiuntur, e  
Saxonico translatæ.

### TABVL A LEGVM ECCLESIASTICARVM.

- |  |   |
|--|---|
| I. <i>De Deo, religione, &amp; rege, de-</i>   | XIV. <i>De Dei iuribus, festis, &amp; ie-</i> |
| <i>bite colendis.</i>                          | <i>uniis conseruandis.</i>                    |
| II. <i>De pace Dei, regis, &amp; ecclesia-</i> | XV. <i>De die dominica.</i>                   |
| <i>rum.</i>                                    | XVI. <i>De ieuniis.</i>                       |
| III. <i>De mulcta pro dignitate ecclesie</i>   | XVII. <i>De temporibus iustitii.</i>          |
| <i>conferenda.</i>                             | XVIII. <i>Pia exhortatio ad confes-</i>       |
| IV. <i>De reverentia sacerdotibus pre-</i>     | <i>sionem &amp; paenitentiam.</i>             |
| <i>standa.</i>                                 | XIX. <i>Ade eucharistiam &amp; probita-</i>   |
| V. <i>De purgatione ordinatorum.</i>           | <i>tem.</i>                                   |
| VI. <i>Exhortatio ad ecclesiasticos, ut</i>    | XX. <i>Ad fidelitatem erga dominos.</i>       |
| <i>sancte vivant.</i>                          | XXI. <i>Ad Deum ex intimis colen-</i>         |
| VII. <i>De coniugiis prohibitis.</i>           | <i>dum &amp; fidem.</i>                       |
| VIII. <i>De decimis reddendis.</i>             | XXII. <i>Vt orationem dominicam</i>           |
| IX. <i>Denummo Romano.</i>                     | <i>&amp; symbolum calleant.</i>               |
| X. <i>De primitiis seminum.</i>                | XXIII. <i>Vt exitialia fugiant.</i>           |
| XI. <i>De decimis ad ecclesiam thani</i>       | XXIV. <i>Et inter hac stuprum, &amp;c.</i>    |
| <i>pertinentibus.</i>                          | XXV. <i>Vt caueant sibi de tremendo</i>       |
| XII. <i>De pecunia pro lucernis.</i>           | <i>indicio.</i>                               |
| XIII. <i>De pecunia quæ dicitur sym-</i>       | XXVI. <i>Vt episcopi &amp; sacerdotes</i>     |
| <i>bolum anima, &amp; de sepultura.</i>        | <i>fide obeant officia.</i>                   |

### PRO O E M I V M.

**C**ONSVLTVM, quod Canutus Anglorum, Dacorum, & Norvegiensium rex, ex sapientum consilio, ad Dei immortalis gloriam, regia maiestatis ornamentum, & reipublicæ utilitatem, natalitiis Domini nostri Iesu Christi diebus Vintoniæ sanciuit.

## LEGES ECCLESIASTICÆ.

### I.

Primum omnium, vnum Deum ad omnes sæculorum

Qq iij

Regii manu  
scripti infra  
editi capi-  
tulum L

ætates auguste sancteque venerentur omnes: vnam Christianæ religionis regulam religiosissime tenento: Canutum regem omni fidelitate & obseruantia prosequuntur.

## II.

Regii manuscripsi  
capitulum  
2.

Templum Dei pia & æterna pace tueamur, idque crebro frequentemus omnes, cum ad animorum nostrorum salutem, tum ad reliquorum accessionem & emolumen-tum. Sacras ædes plane omnes Christi pax vna comprehensas habet, eam igitur magno in cultu atque honore habere Christianos omnes par est. Pax etenim diuina præ ceteris exoptanda & retinenda est, proxime vero & secundum hanc pacem seruari regiam oportet. Pacem igitur ecclesiæ Dei intra parietes suos, & Christiani regis traditam manu tranquillitatem maxime conuenit ratamiri semper atque inuiolatam. Si quis itaque alterutram violarit, prædiis mulctatus morte afficitor, nisi quidem rex sceleris poenam condonauerit. Sin pacem ecclesiæ Dei vñquam posthac adeo violarit quisquam, vt intra fani parietes hominem trucidet, esto id quidem inexpiable, atque in eum omnes amore Deum prosequentes infesti feruntor, ni isthinc prius euolarit, atque ad eiusmodi aliquod asylum confugerit, vt rex eum, cumulate tum Deo tum hominibus data compensatione, vita frui patiatur. Id quod si fecerit, numerata Christo & regi proprii capitis æstimatione, facito sibi ad compensationem aditum. Tum, si ad pactionem ventum fuerit, eamque rex fieri patietur, integrum (quæ est nomine pacis regiæ violatæ) mulctam ecclesiæ pendito: templum de more purgari curato: cognatis atque cæsi domino quod æquum erit præstato, cum Deo denique in gratiam redire summa cum cura & diligentia studeto.

## III.

Regii manuscripsi  
capitulum  
3.

Sin (cæde nulla perpetrata) pacem ecclesiæ minuerit quisquam, pro ratione delicti compensatio sequitor, siue is pugnarit, siue rapuerit, siue facinus aliud quocumque admiserit. Primum tamen, pro ratione facinoris & ecclesiæ dignitate, pacis violatæ mulcta erit ecclesiæ præstanta. Neque vero vna eademque est omnium templorum terrena dignitas, sint quamquam omnia eiusdem diuinæ consecrationis socia. In iis etenim quæ possint expiari crimi-